

# Pepa tufa 2: Na Ositaulaga le Au Paia e Fesoasoani le Tasi i le Isi e Maua Faaeega Paia

Ia Novema 30, 1845, na faapaiaina ai e Polika laga le potu pito i luga o le Malumalu o Navu, ma ia Tesema 10, 1845, na amata ai ona faia faaeega paia i le malumalu.

Na faamanatu mai e Erastus Snow e faapea: “I le aso sefululua o Tesema, na maua ai e a’u ma [lo’u] toalua o Artimesia, uluai sauniga o faaeega paia, ma valaauina ai e galulue ma faia galuega i totonu o le malumalu mai lena taimi agai i luma; ma ou lē alu ese ai mai le malumalu i le ao po o le po, ae faaaauau ona galue i tiute ia—faatasi ma le toasefululua ma isi na filifilia mo lea faamoemoe—pe a ma le ono vaiaso. Na faaaauau le faletua o Snow . . . pe a ma se masina” (“From Nauvoo to Salt Lake in the Van of the Pioneers: The Original Diary of Erastus Snow,” ed. Moroni Snow, *Improvement Era*, Fep. 1911, 285).

Na tusia e Elizabeth Ann Whitney: “Na ’ou tuuina atu a’u lava, lo’u taimi ma le manatu atoa i lena misiona. Na ou faigaluega i le Malumalu i aso uma e aunoa ma se malōlō seia oo ina tapuni” (“A Leaf from an Autobiography,” *Woman’s Exponent*, Fep. 15, 1879, 191).

Na faamauina e Mercy Fielding Thompson e faapea o ia sa “valaauina e Peresitene laga ou te nofo ai iina [i totonu o le malumalu] e fesoasoani i le matagaluega a tamaitai, lea sa ou faia, ma galue ai i po ma ao, ma tuu ai lava la’u tama ia te a’u” (i le Mathew S. McBride, *A House for the Most High: The Story of the Original Nauvoo Temple*. [2007], 285).

Na faamanatu mai e Peresitene Polika laga: “O lena le atugaluga e pei ona faaalia e le Au Paia ina ia maua sauniga o faaeega paia, ma o lo matou popolega foi lena ina ia latou [mauaina i latou], o lea sa ou tuuina atu ai a’u atoa i le galuega a le Alii i le Malumalu. Toetoe lava ou te faaaluina le po ma le Ao, [i totonu o le malumalu], e lē faaaluina le sili atu i le fa itula i lona averesi mai le 24 e moe ai—ma ae seāseā ona ou faatagaina mo a’u lava le taimi ma le avanoa e alu ai i le fale faatasi i se vaiaso.” (Brigham Young office files, *Journal*, Set. 28, 1844–Fep. 3, 1846, 101–2, Church History Library, Salt Lake City; sipelaga ma faailoga ua faalaugatasia).

- Aisea e te manatu ai sa naunau nei tagata e ositaulaga le anoanoai o mea ina ia fesoasoani ai i isi ia maua o latou faaeega paia?
- O le a se mea e mafai ona tatou aoao e uiga i le ositaulaga mai nei tala?

